





# Акафист

## Благовещению

### Пресвятой Богородицы

#### Кондак 1

---

Избранной в предвечном Совете Богоотроковице Марии, послужити велию таинству боговоплощения, сияющей девственной чистотою паче высших небесных чистоты, благоговейныя пения принесем Тебе, Богородице, о всерадостном от Архангела благовещении Твоем. Ты же, яко обрадованная и радость падшим людем подати могущая, избави нас от всяких бед и греховных печали, и возведи нас к небесней радости, да с Гавриилом вопием Тебе: Радуйся, Благодатная, Господь с Тобою.

#### Икос 1

---

Архангел Гавриил предстояй Престолу Божию выну зрит неприступную Божественную Славу, егда же прииде время избавления человеков, прия повеление Господне: Буди служитель страшному чудеси и таинству сокровенному:

милосердіем Моим подви́гся ко взыска́нью заблудшаго Ада́ма, снѣти тщу́ся. Гряди́ убо во град Назарѣт, в нѣмже отрокови́ца Мари́я обита́ет, да прелюбе́зную красоту́ дѣвства у́зриши. Гряди́ к сему́ одушевлѣ́нному Бо́жию Киво́ту, ко второ́му Небеси́ на землі́ сущему. Иди́ к Се́й Оби́тели Воплоще́ния Моего́ и возвести́ нетле́нное Моё от Нея́ прише́ствие. Блюди́ же, да не смути́ши и да не устраши́ши ду́шу Дѣвы, да в ра́дости бу́дет, а не в печа́ли благове́стие твоё. Сего́ ра́ди приступи́ к Не́й кро́тко и пе́рвый гла́с тво́й ра́дость Е́й да принесѣ́т, и да возопи́еши Е́й си́це: Ра́дуйся, Благода́тная, Е́юже ра́дость возсия́ет. Ра́дуйся, Обра́дованная, Е́юже кля́тва исче́знет. Ра́дуйся, Благослове́нная, Е́юже вся́ тва́рь обновля́ется. Ра́дуйся, Препросла́вленная, Е́юже ве́сь ми́р спаса́ется. Ра́дуйся, Богоизбра́нная Отрокови́це, па́дшаго Ада́ма воззва́ние. Ра́дуйся, Пренепоро́чная Дѣво, слѣз Е́виных изба́вление. Ра́дуйся, Благода́тная, Госпо́дь с Тобо́ю.

## **Конда́к 2**

Ви́дев Арха́нгел Гаври́ил, я́ко Человеколю́бец Госпо́дь умилосер́дися, ги́блемый зря́ ро́д челове́ч, удиви́ся зело́, ка́ко Бо́г, Его́же небеса́

вместити не мѡгут, в девичестей хѡщет  
вместитися утрѡбе, како не опалит ю ѡгнь  
Божества, како Бѡг, на Негоже Херувими и  
Серафими возрѣти не смѣют, хѡщет во ѡбразе  
раба явитися на землѣ, да с человеки поживѣт.  
Семю неизреченному таинству чюдящеся со  
страхом возопи Бѡгу: Аллилуиа.

## Икос 2

Разум неуразумеваемый страшнаго таинства  
открывая, рече Владыка Ангелов ко  
Архистратигу: что смущаешия, Гаврииле, о  
новости вещи? Аще не опали ѡгнь купину в  
пустыне горевшую и не сгоравшую, не опалит  
всячески утробу Девичу ѡгнь Божества Моего,  
но паче оросит ю и освятит благодать Моя.  
Идеже бо хѡщет Бѡг, побеждаются естества  
уставаы. Гавриил же, сия слышав, радости  
исполнися Божественныя, и отиде в Назарет,  
исполняя повеление Господне, помышляюще в  
себе, како внидет к Отроковице и како  
возвестит Ей таинство чудесное, во еже не  
смутити Ея девический помысл, и рече к себе:  
возвещу убо Ей первее радость, и целуя воспою  
глас таковый: Радуйся, Радосте всему миру, Тебе  
бо Единой подобает радоватися. Радуйся,

Сладосте Ангелов, от Тебе Единой благоволи Господь воплотиться. Радуйся, Неувядаемый Цвете чистоты, Ты бо небесное благоухание всему миру явила еси. Радуйся, белоснежный крине девства, Ты бо райское девство на земли насадила еси. Радуйся, Сокровище паче всего дражайшее, Твоя бо доброты возжела Царь Небесный. Радуйся, Утро всему миру светлейшее, Твоим бо светом разгонится мрак греховный. Радуйся, Благодатная, Господь с Тобою.

### Кондак 3

Силою Божественною укрепляемый слете с небесных высот великий Архангел и в Назарет град прииде, и обрете Святую Деву во внутреннем чертоге Своем не о житейских пекущуюся, но в молитве и чтении книжном пребывающую. Та бо разгнув книгу Исаии пророка, читаше словеса его: "Се Дева во чреве примет и родит Сына и нарекут имя Ему Еммануил". И распаляшеся серафимскою любовью не точию к Имущему скоро приити Христу, но и к Деве оной, Яже иматъ родити Того, и размышляше коль неизреченно есть таинство сие и коль велико есть достоинство

Девѣицы Тоя, и моляшеся, о еже увидети Ю, и аще возможно, последнейшею Ей быти рабынею Тоя, да с радостию воспоём Богу: Аллилуиа.

### Икос 3

Имуще страх велий и благоговение к Богоотроковице, Юже Бог избра быти Владычицею неба и земли, великий Архангел приближися ко внутренним дверем чертога Тоя, и се абие внезапно предста Препоблагословенней с кротостию великою, предста Пренепорочней небесный Вестник, да радость всему миру благовестит, предста безплотный Чистой Деве, да безчестие женское в честь преложит, и между Создателем и созданием уневещение да сотворит, и светлым гласом абие глагола Неискусобращней: Радуйся, Благодатная, ликуй ныне и веселися, яко Господь с Тобою. Радуйся, Благословенная, слыши ныне и приклони ухо Твое, яко возжелá Царь доброты Твоея. Радуйся, Обрадованная, яко благословенна Ты в женах. Радуйся, Препрославленная, яко велия слава Твоя на небесех. Радуйся, Богоизбранная Отроковице, яко спасётся Тобою от прелести весь род человеческий. Радуйся, преизящная Девѣице, яко возвеселится о Тебе весь

превысочайший собор Ангельский. Радуйся, Благодатная, Господь с Тобою.

#### **Кондак 4**

Бурю внутрь имущи помышлений сумнительных, смятёся Пресвятая Дева, таковое небесное благовестие услышавше, помысливше же в себе, каково будет целование сие, рече ко Архангелу: Ева, праматерь Моя, приемши разум змиин, лишися пищи Божественныя и изгнана бысть из рая, темже и Аз боюся целования страннаго твоего, стыдящися поползновения. Сего ради отступи от дверей Моих, и не вещай глаголов, их же сбытия никакоже можеша показати, да не обольщена буду, что ум мой и душу смущаеши... Аз же в тишине духа Моего воспевати буду: Аллилуиа.

#### **Икос 4**

Слыша Архангел смиренных глагол Пресвятыя Девы высоту, рече к Ней: Что мене бойшися, Всенепорочная, паче Тебе боящагося? Что мене благоговееши, Владычице, Тебе честно благоговееющему? Не удивляйся странному моему зраку, не ужасайся, Архангел бо есмь. Змий прельсти Еву иногда, аз же Божий

предстатель по́слан е́смь Божество́нный Со́вет  
Предвече́нный пове́дати Тебе́. Не бо́йся, Мариам,  
обрела́ бо еси́ благода́ть у Бо́га безме́рный ра́ди  
де́вственныя чистоты́ Твоея́. Сего́ ра́ди зачне́ши  
во чре́ве и роди́ши Сы́на и нарече́ши И́мя Ему́  
Иису́с. Се́й бу́дет Ве́лий и Сы́н Вы́шняго  
нарече́тся. И да́ст Ему́ Госпо́дь Бо́г престо́л  
Дави́да отца́ Его́ и воца́рится в до́му Иа́ковли во  
ве́ки и Ца́рствию Его́ не бу́дет конца́.  
Благовествующе́ же си́е ве́лие благоче́стия  
та́инство, со стра́хом вопию́ Тебе́ сицевая́:  
Ра́дуйся, звездо́ незаходи́мая, вводи́щая в ми́р  
Ве́ликое Со́лнце Христа́. Ра́дуйся, заре́  
присносия́ющая, явля́ющая челове́ком всего́  
ми́ра Творца́. Ра́дуйся, па́че у́тра светле́йшая,  
все́м во тьме́ греха́ сидя́щим све́т благода́ти  
облиста́ющая. Ра́дуйся, па́че злата́ дража́йшая,  
все́м неве́дущим Бо́га сокрови́ще ве́ры  
показу́ющая. Ра́дуйся, Ле́стнице Небе́сная, Е́юже  
Бо́г нисхо́дит с небес. Ра́дуйся, мо́сте к небесем  
приводя́й, И́мже ми́р исполня́ется чуде́с.  
Ра́дуйся, Благода́тная, Госпо́дь с Тобо́ю.

### **Конда́к 5**

Богоду́хнове́нныя глаго́лы Арха́нгеловы  
слы́шавше, Пресвята́я Де́ва смути́ся па́че

бывшаго, зане́ тии Рождество́ Ей возвеща́ху. Сего́ ради рече́ ко Архистратигу: Глаго́ли Мнѣ я́вственнейше, ка́ко зачну́, Де́ва су́щи отрокови́ца бра́ку неприча́стная. Ка́ко бу́дет сие́, иде́же му́жа не зна́ю? Ка́ко у́бо глаго́леши, я́ко рожду́, бою́ся еда́ лесть глаго́леши? Сия́ рече́ не неве́рия ра́ди, но я́ко не ве́де, ка́ко мо́жет родити́, естества́ зако́ны превосше́дши. Сего́ ра́ди рече́ ко А́нгелу: скажи́ Ми о́браз рождѣ́ния, во е́же не повредити́ся де́вству Моему́, и тогда́ обря́щеши се́рдце Моё́ к Бо́жию изволе́нию гото́вое, да с ра́достью воспою́ Бо́гу: Аллилу́иа.

### **И́кос 5**

Ви́дев Арха́нгел вели́чие ве́ры Пречи́стыя, рече́ к Не́й: Глаго́лы, я́же мнѣ веща́еши, обы́чая е́сть рождества́ челове́ков сме́ртных, зако́нам же естества́ не рабо́тает Иису́с, Содѣ́тель естества́, Отрокови́це. Ты́ ищещи увидети́ от мене́ о́браз зача́тия Твоего́, но то́й несказанен е́сть: Ду́х Святы́й найдет на Тя́ и Си́ла Вы́шняго осенит Тя́, те́мже и ражда́емое Свя́то нарече́тся Сын Бо́жий. От Того́ во чре́ве приимеши и То́й совершит в Тебе́ недове́домое зача́тие, о Пресвята́я Де́во. Сего́ ра́ди прославляю́ Тя́ си́це: Ра́дуйся, Ду́ха Пресвята́го Невѣсто

Богоизбранная и преднареченная. Радуйся, Бога Отца Дщерь прелюбимая и превозделенная. Радуйся, свитче Божественный, в немже перстом Отчим написуется в Тебе Божие Слово. Радуйся, златый светильниче, Имже Огнь Божества возсияет всему миру. Радуйся, глубиной неисчерпаемая, неудобозримая и Ангельскими очима. Радуйся, высоту неизглаголанная, неудобовосходимая человеческими помысли. Радуйся, Благодатная, Господь с Тобою.

### Кондак 6

Проповедника Божественного и Вестника небесного ты верую быти, рече Пресвятая Дева ко Ангелу: вижду бо ты ангельскою облистана светлостью, обаче стыждуся скоро веровати словесем Твоим, не уведевше первее со всякою известностью. Слышах бо Священную некую Деву Еммануила раждающую, пророком древле предреченную. Сего ради хочу разумети, како естество человеческое претерпит Божества растворение, да познаю тайнства силу и с верою воспою Богу: Аллилуиа.

## И́кос 6

Возсиява́ет ны́не, Пречи́стая, Тобо́ю все́му  
ми́ру ве́лие Та́инство воплоще́ния Бо́жия, — рече́  
Арха́нгел к Богоро́дице, — Ты́ бо еси́ О́ная  
Свята́я Де́ва, о Не́йже предрече́ Иса́ия. Ты́ еси́  
Две́рь Божества́, чистото́ю запечатле́нная и  
де́вством храни́мая, Ю́же Иезекии́ль предви́де.  
Госпо́дь про́йдет Тобо́ю, я́коже со́лнечная луча́  
стекло́ или́ криста́лл прохо́дит, просвеща́ющи и  
освяща́ющи Тя́ Божество́нною Сла́вою, во е́же  
бы́ти Тебе́ и́стинною Ма́терию Бо́жией,  
ражда́ющей Соверше́ннаго Бо́га и  
Соверше́ннаго челове́ка, и Де́вою Нетле́нною,  
я́коже пре́жде Рожде́ства, та́кожде в Рожде́стве  
и по Рожде́стве Твое́м, роди́ши бо Сы́на,  
Соблюда́юща Твое́ де́вство неврежде́нно. Сего́  
ра́ди, прославля́юще вели́чие та́йны Твоея́,  
вопию́ Тебе́ си́це: Ра́дуйся, Купино́ Неопали́мая,  
Ю́же не опали́т о́гнь Божества́, Моисе́ем  
Предзри́мая. Ра́дуйся, двере́ затворе́нная, Е́юже  
про́йдет Бо́г, Иезекии́лем предрече́нная.  
Ра́дуйся, Ски́ние предивна́я, Я́же Невместима́го  
Бо́га не те́сно вместит, Авраа́мом  
прообра́зованная. Ра́дуйся, руно́ ороше́нное, на  
Него́же Влады́ка я́ко ка́пля дожде́вная тихо  
сни́дет, Гедео́ном предвещанное. Ра́дуйся, земле́

ненасе́янная, Сло́во Небе́сное, я́ко пше́ницу плодоно́сную, чи́сто прозяба́ющая. Ра́дуйся, ни́во неора́нная, Сы́на Бо́жия, я́ко клас́ Божество́нный, я́ве произраста́ющая. Ра́дуйся, Благода́тная, Госпо́дь с Тобо́ю.

### Конда́к 7

Хотя́щи ве́ровати стра́шной та́йне Арха́нгелом возвеще́нной, Пресвята́я Де́ва оба́че смуті́ся промышля́ющи высо́ты сия́ вели́чество, и вся́ стыдя́щися, глаго́лаше: Рцы́ Ми́, Гавриі́ле, и́стиннейшая, ка́ко нетле́нной бы́вши чистоте́ Мо́ей, рожду́ с плоти́ю Безплотна́го? чуде́са́ всегда́ бы́ша мно́жицею Божество́нною си́лою чудодействуема́, де́ва же неискусому́жне никогда́же роди́. Сего́ ра́ди ка́ко мо́жет все́ми невместі́мый и все́ми невиді́мый во чре́во деві́чье вселі́тися, е́же Са́м созда́? Рцы́ Ми́ сия́, да с ве́рою воспою́ Бо́гу: Аллилу́иа.

### И́кос 7

Но́ва и стра́шна и чу́дна Твоя́ та́инства, рече́ А́нгел Богоро́дице, и но́вую тва́рь показа́ Тобо́ю все́х Творе́ц Госпо́дь, Ты́ бо Еди́на Царя́ Воплоща́ема при́имеши во утро́бе, да Ты́ Еди́на Ма́ти Сы́на Бо́жия прона́рече́шися, Чи́стая. Сего́

ради не дивися чудеси и да не сумнишия: “Бог, идеже хоцет, побеждается естества чин”, вся бо возможна суть Всемогущему. И якоже от ребр Адамовых создана бысть Ева без матери древним Богозданием, тако и ныне от Твоего девства воплощается без отца всех Господь. И да уверит Тя жезл Ааронов невлажно прозябший и руно Гедеоново, зане, яко росу, зачатие приимеши, Нетленная Дева сущи. Такожде и купина во огне неопально пребывшая да возвестит Ти, яко приимеши огонь, Божества, Приснодева, и по Рождестве пребудеши Чистая. Сего ради приими целование мое, да вси племена земная с радостию воспоют Тебе: Радуйся, жезле Ааронов, нетление всему миру прозябший. Радуйся, финикс Давидов, бессмертие падшим людем процветший. Радуйся, Скиние Небесная, от Херувимов осеняемая и ублажаемая. Радуйся, Святая Святых Большая, от Серафимов почитаемая и приснославимая. Радуйся, Чаше Безсмертнаго Царя, в Нейже растворяется от Святаго Духа всемирная радость. Радуйся, Стамно Божественныя манны, от Нейже верным уготовляется неизреченная сладость. Радуйся, Благодатная, Господь с Тобою.

## Кондак 8

Страннаго Рождества сего величество  
смущает Мя, — рече Пресвятая Дева ко Ангелу,  
— понеже Всеблагой благоволи паче ума  
вселиться в Мя, да храм чист душею и плотию  
соблюден буду Ему, глас радования глагол твоих  
приемши, веселия Божественнаго исполняются,  
да упразднится ныне Мною древнее Евино  
осуждение и да воздаётся Мною днесь долг  
человеков, да вси Светлому Благовещению сему  
радуящиеся, благодарственно воспоют Богу:  
Аллилуиа.

## Икос 8

Вся тварь ныне о Тебе радуется, Благодатная,  
Ангельский Собор и человеческий род, — рече  
Архангел, — яко дадётся Тебе радость  
Божественная и яко всякое обетование Божие  
Тобою ныне приемлет конец: Тобою днесь  
благословися Авраам о семени своём. Тобою  
ныне свободися Ева от древния печали. Тобою  
ликует Адам, яко днесь исполняется первое  
благовестие падшим людем: семя Жены сотрет  
главу змия. Тобою вся тварь ныне начинает  
свободатися от рабства тлению в свободу  
славы чад Божиих. Тобою ныне подадётся всему

ро́ду челове́ческому вся́кая ра́дость и весе́лие  
вѣчное, да всѣ во вѣки восхва́лят Тя́ си́це:  
Ра́дуйся, Обра́дованная Де́во, от дре́вних  
патриа́рхов прообра́зованная. Ра́дуйся, Свята́я  
Богоневѣсто, все́ми проро́ки дре́вле  
предвозвещѣнная. Ра́дуйся, Вертогра́де  
заклю́ченный, в Него́же Ца́рь Небе́сный возжела́  
внѣти. Ра́дуйся, Кла́дезю запечатле́нный, от  
Него́же никто́же возмо́жет испѣти. Ра́дуйся,  
Са́де Божѣственный, в Нѣмже от все́х цвето́в  
Свята́го Ду́ха райское благоуха́ние во весь ми́р  
изнесѣся. Ра́дуйся, Раю́ новонасажде́нный, в  
Нѣмже Божѣственное дре́во жи́зни посреде́ Тебе́  
к прозябе́нию угото́вися. Ра́дуйся, Благода́тная,  
Госпо́дь с Тобо́ю.

### Конда́к 9

Вся́кое естество́ А́нгельское удиви́ся ны́не о  
Тебе́, Пречи́стая, слы́шаще дѣвное Твое́ со  
Арха́нгелом Гаври́лом собесѣдование и наипа́че  
моле́ние Твое́ сие́: “Ду́шу очисти, Те́ло освяти́,  
Цѣрковь сотвори́ Мя́ вместите́льну Бо́жию и  
Ски́нию богоукраше́ну, да найтием Пресвята́го  
Ду́ха сотворю́ся хра́м одушевле́н и Ма́терь  
Чи́стая Жи́зни”. Егда́ же по моли́тве се́й изрекла́  
еси́ из смире́ннаго се́рдца Твоего́: “Се́ Раба́

Господня, буди Ми по глаголу твоему, да вселится Бог в Мя”, вся Небесныя Силы прославиша Бога, видяще, яко готово сердце Твое к приятию Божественному, и со страхом и с радостью воспеша Ему: Аллилуиа.

## Икос 9

Вития Божественный Святый Архангел Гавриил бысть в страхе и в молчании глубоцем и прекрати глаголы своя, егда, Пресвятая Дево, Ты изрекла еси смиренное слово Свое: “Се раба Господня, буди Ми по глаголу твоему”. В начале мирскаго бытия творческим словом сим: “да будет”, Творцем изреченным, создана быша всяческая видимая и невидимая. Ныне же слово сие, Девою изреченное, низведет Творца твари в мир сей и тако открывається днесь еже от века таинство великое: Сын Божий Сын Девы бывает, да бога Адама соделает. Соприсносущное Слово Отчее, не разлучився от горних, сниде на землю и бысть Плоть и вселися в ны, неизреченно истощается и во Утробу Девичу вселяется. Да радуется убо небо и земля и со Архангелом да поет Пречистой Деве сице: Радуйся, Небо земное, до горних высот смиренным духом возшедшее. Радуйся, Селение

Небе́сное, Сло́во Бо́жие неизрече́нно  
вместив́шее. Ра́дуйся, Благослове́нная, зача́тие  
Преве́чнаго Бо́га нетле́нно прие́мшая. Ра́дуйся,  
Благода́тная, Черто́г Дев́ства Твоего́ в зача́тии  
Еди́на сохра́няшая. Ра́дуйся, Чи́стая Де́во,  
естества́ уста́вы в боговоплоще́нии пресла́вно  
победив́шая. Ра́дуйся, Богоневе́сто, естество́  
А́нгельское в благове́щении Твое́м предив́но  
возвесели́вшая. Ра́дуйся, Благода́тная, Госпо́дь с  
Тобо́ю.

### Кондак 10

Спасти́ хотя́й ми́р, Человеколю́бец Госпо́дь  
сни́де, я́ко до́ждь на руно́ в Пречи́стую утробу́  
Твою́, о Богома́ти, и а́бие неизрече́нным  
найтием Свята́го Ду́ха соде́яся недове́домое  
зача́тие и Преве́чное Сло́во Бо́жие Пло́ть бы́сть и  
всели́ся в Тя́, восприя́в Ю́ от Пречи́стых крове́й  
Твои́х без услажде́ния плотска́го, но не без  
услажде́ния духо́внаго: тогда́ бо Девиче́ское  
се́рдце Твое́ божество́нным испо́лнися желáнием  
и ду́х Тво́й горя́ще пла́менем Серафимски́я  
любви́, ум же весь, а́ки вне́ Себе́ бы́в, в Бо́зе  
углубля́ешься. И та́ко услажда́ясь неизрече́ннаго  
Боголю́бия сего́ и умнаго Боговиде́ния, Ты́

поклонілася еси́ Воплоща́емому от Тебе́ Го́споду  
Твоему́ и ра́достно воспéла еси́ Е́му: Аллилу́иа.

## И́кос 10

Стена́ еси́ де́вам, Богоро́дице Де́во, и́бо  
де́вственно от Ду́ха Свя́та зачала́ еси́  
Предвэ́чнаго Бо́га и Де́ва пребыла́ еси́ и та́ко  
Е́ву от дрэ́вния печа́ли свободи́ла еси́. Днёсь —  
ра́дость Благовэ́щения, де́вственное торжество́ и  
та́инство вели́ко, нача́ло на́шего спасэ́ния. Днёсь  
веселі́тся не́бо и ра́дуется земля́. Сего́ ра́ди  
вели́кий Гаври́ил пе́рвый от всея́ тва́ри, разумэ́в  
ду́хом вели́кое боговоплоще́ния та́инство,  
поклоні́ся со стра́хом ве́лиим вопло́щемуся в  
деви́чей утробе́ Спа́су ми́ра и вопло́щшую  
Пречи́стую Де́ву почти́ подоба́ющим  
поклонэ́нием, я́ко Цари́цу не́ба и землі́, и с  
благоговэ́нием ве́лиим воспé Е́й такова́я:  
Ра́дуйся, вы́сокаго та́инства Воплоще́ния Бо́жия  
пречу́дное соверше́ние. Ра́дуйся, неизрече́ннаго  
составле́ния Пло́ти Христо́вой пресла́вное  
явлэ́ние. Ра́дуйся, черто́же безсе́меннаго  
уневэ́щения, в Не́мже Творе́ц все́го ми́ра днёсь  
вместі́ся. Ра́дуйся, Ковче́же Боже́ственного  
Воплоще́ния, И́мже ра́дость ве́лия все́й  
вселэ́нней ны́не дарова́ся. Ра́дуйся, Деви́це,

Боготканную порфиру от Пречистыя Плоти Твоея Слову Божию исткавшая. Радуйся, Отроковице, нетленную багряницу от девственных кровей Твоих Агнцу Божию взаимодейавшая. Радуйся, Благодатная, Господь с Тобою.

### Кондак 11

Пение всеумиленное принесла еси, Пречистая, егда по отшествии Архангелове посетила еси праведную Елисавету южицу Твою и возвестила ей радость Благовещения, в веселии духа, глаголюще: “Величит душа Моя Господа и возрадовася дух Мой о Бозе Спасе Моём. Яко призре на смирение Рабы Своея, се бо отныне ублажат Мя вси роди”. Сие посещение Твое возвесели праведную Елисавету и зыграся от радости младенец Иоанн во чреве ея, и исполнися Духа Свята Елисавет, и рече: “Откуда мне сие, да прииде Мати Господа Моего ко мне”. Да зыграется ныне и наш дух, ощущаючи в день Благовещения Твоего радость посещения Твоего. Сего ради с Елисаветою возопиём Тебе: “Благословена Ты в женах и Благословен Плод чрева Твоего”, Ему же выну да поём вси: Аллилуиа.

## И́кос 11

Свѣт вѣлий и Божѣственный возсія́ в души́ Твоѣй, Пречы́стая, егда́ по гласу Арха́нгела Духъ Святы́й сниде на Тя́ и Сила́ Вы́шняго осени́ Тя́ и егда́ а́бие зачала́ еси́ в Богоблагодатней дѣвственной утробѣ Своей Творца́ свѣтов, Егѣже свѣт во тьмѣ свѣтит и тьма́ егѣ не объят. Той просвети́ Тя́, яко́ со́лнце, свѣтомъ Божества́ Своегѣ, Всю́ прослави́ и обожи́, сего́ ради “сияетъ добрѣта Твоя́, блиста́ет чистоты́ Твоея́ свѣтлость, яко́же предрече́ о Тебѣ́ в Пѣсняхъ Духъ Святы́й: “Вся́ добра́ еси́, б́лижняя́ Моя́, и поро́ка несть в Тебѣ́”. Вся́ Избранна́, Вся́ Преукраше́нна явила́ся еси́, Ю́же Бо́г возлюби́, Вся́ Чы́стая и Божѣственный Сла́вы исполненна́. Сймъ Божѣственнымъ Твоимъ Свѣтомъ просвѣща́емии, да воспоймъ Тя́ и мы́ в пѣсняхъ, яко́ Ма́терь Свѣта́ си́це: Ра́дуйся, Свеще́ Божѣственного́ Свѣта́, Свѣт Невечѣрний в утробѣ Твоѣй понѣсшая. Ра́дуйся, Луче́ Умнаго́ Со́лнца, вѣсь ми́ръ свѣтомъ Лица́ Бо́жия просвети́вшая. Ра́дуйся, Небѣсный Свети́льниче, на свѣщнице́ земно́мъ все́й вселѣнной возжже́нный. Ра́дуйся, Живоно́сный Исто́чниче, благода́тию́ Ду́ха Свята́го преизобильно ороше́нный. Ра́дуйся, Светоно́сная Де́во, Ея́же ради́ свѣт Боговѣдения́ днесъ́ намъ

всѣмъ возсия. Радуйся, Избранная Богоневѣсто, Еюже ныне радость неизреченная весь мир облистаетъ. Радуйся, Благодатная, Господь с Тобою.

### **Кондак 12**

Благодать Божественная и радость велия процвететъ днесь всему миру, Пречистая, в светоносный день Благовѣщения Твоего, яко Тебе ради в день он древняя печаль преста и начало спасения человеков положися: Сын Божий, Сын Девы явися и земля Евы ради проклятая бывшая, Тобою, Дево, днесь паки благословися. Херувим от древа жизни отступаетъ и врата райския верным днесь паки отверзаются, мир же весь исполнися радости, отнеже великий Гавриил еже радуйся Тебе, Дево, свыше возгласи. Сего ради небеса убо достойно днесь да веселятся, земля же да радуется, всякое же дыханіе и тварь да поютъ о Тебе Богу: Аллилуиа.

### **Икос 12**

Поюще всерадостное от Архангела Благовѣщение Твое, Богородице, восхваляем вси страшное, преславное и велие таинство чистаго и девственнаго от Духа Святаго зачатия Твоего,

поклоня́емся нетле́нно зача́тому от Тебе́ Сы́ну  
Твоему́ Христу́ Бо́гу на́шему и от всего́ се́рдца  
ве́руем и испове́дуем, я́ко и в Божество́нном  
зача́тии и по Рожде́ствѣ Твое́м Ты́ пребыла́ еси́  
Присноде́ва. Сего́ ра́ди с Гавриило́м принесём  
Тебе́ сицевы́й Арха́нгельский глас: Ра́дуйся,  
Благода́тная, облече́нная в Со́лнце, сия́ющая  
блага́тию и сла́вою все́й вселе́нней. Ра́дуйся,  
Благослове́нная, от восто́к со́лнца до запа́д  
препе́тая и превозноси́мая по все́й поднебе́сней.  
Ра́дуйся, А́нгельское вели́кое удивле́ние,  
Гаври́ила красо́тою де́вства Сво́его удивив́шая.  
Ра́дуйся, все́му ми́ру благо́е весе́лие, па́дшия  
лю́ди ра́достью Благо́веще́ния Твое́го  
возвесели́вшая. Ра́дуйся, смире́нная Раба́  
Госпо́дня, высо́тою смире́ния Сво́его Бо́га на  
зе́млю низве́дшая. Ра́дуйся, Милосе́рдная Ма́ти  
Бо́га Вы́шняго, Ма́терним заступле́нием Свои́м  
мно́гие грѣшники ко Христу́ приве́дшая.  
Ра́дуйся, Благода́тная, Госпо́дь с Тобо́ю.

### **Конда́к 13**

О, Всепе́тая Пара́клита Неве́сто, Чи́стая  
бра́ка не позна́вшая Де́во! Арха́нгела красо́тою  
Де́вства удивив́шая и Бо́гу Сло́ву Пло́ть нетле́нно  
днёсь взаимода́вшая, ны́нешняя на́ша прие́мши

приноше́ния о всера́достнем от Гаври́ила благове́щении Твоём, Христу́ Бо́гу обруче́нныя в де́встве сохрани́, все́х же в чистоте́ укрепи́ и от бе́д изба́ви, да свобо́ждшеся Тобо́ю от ве́чных му́к, Тобо́ю рай да обря́щем, иде́же вси́ да воспоём о Тебе́ Бо́гу: Аллилу́иа.

(Этот конда́к чита́ется три́жды, зате́м и́кос 1 и конда́к 1)

### **Моли́тва пе́рвая**

Приими́, Всеблагомо́щная, Пречи́стая Госпоже́ Влады́чице Богороди́тельнице, сия́ честны́я да́ры, Тебе́ еди́ной прикла́дныя от нас, недосто́йных рабо́в Твои́х, от все́х родо́в избра́нная, все́х тва́рей небе́сных и земны́х вы́шшая явля́ющаяся. Поне́же бо Тебе́ ра́ди бы́сть Госпо́дь си́л с нами́, и Тобо́ю Сы́на Бо́жия позна́хом, и сподо́бихомся Свята́го Те́ла Его́ и Пречи́стыя Кро́ве Его́. Те́мже блаже́нна еси́ в ро́дех родо́в, Богоблаже́нная, Херуви́мов светле́йши и Серафи́мов честне́йши су́щая. И ны́не, Всепе́тая Пресвята́я Богоро́дице, не преста́й моля́щися о нас, недосто́йных рабе́х Твои́х, е́же изба́виться нам от вся́каго сове́та лука́ваго и от вся́каго обстоя́ния: и сохрани́тися нам невре́жденным от вся́каго ядови́таго

прило́га дѣявольскаго. Но да́же до конца́ моли́твами Твои́ми неосу́жденных нас соблюди́: я́ко да Твои́м заступле́нием и по́мощию спаса́еми, сла́ву, хвалу́, благода́рѣние и поклонѣ́ние за вся́ в Тро́ице Еди́ному Бо́гу и все́х Созда́телю возсыла́ем, ны́не и прѣсно и во ве́ки веко́в. Ами́нь.

### **Моли́тва второ́я**

К Тебе́, Пречи́стей Бо́жией Ма́тери, аз окаянный, припа́дая, молю́ся: ви́ждь, Цари́це, я́ко безпреста́нно согрѣшаю́ и прогне́вляю Сы́на Твоего́ и Бо́га моего́. И мно́гажды а́ще каю́ся, ло́жь пред Бо́гом обрета́юся, и каю́ся трепѣ́ща, да не ка́ко порази́т мя́ Госпо́дь, и по часе́ ма́ле па́ки тая́жде творю́. Сия́ ве́дущи, Влады́чице моя́, Пресвята́я Богоро́дице, почто́ не поми́луеши, почто́ не укрепи́ши мя́, и часо́ ради не пода́си ми́ всегда́ блага́я твори́ти? Вѣси́ убо, о Влады́чице, я́ко отню́дь има́м в ненави́сти злая́ моя́ дела́ и всею́ мы́слию люблю́ зако́н Бо́га моего́. Но не ве́м, Госпоже́ Пречи́стая, отку́ду я́же ненави́жду, тая́ творю́, и се́й преступа́ю. Но не попу́щай, Пресвята́я, во́ли мое́й соверша́тися, неподо́бна бо е́сть, но да бу́дет во мнѣ́ во́ля Сы́на Твоего́ и Бо́га моего́, да мя́ спасе́т, и вразуми́т, и

пода́ст ми́ благода́ть Свята́го Ду́ха, дабы́ аз  
отны́не преста́л скверноде́йствовать, и проче́е  
бы́х пожи́л в повелéниях Сы́на Твоего́, Го́спода  
нашего́ Иису́са Христа́, Ему́же подоба́ет вся́кая  
сла́ва, че́сть, поклонéние и велелéние со  
Безнача́льным Его́ Отце́м и с Пресвяты́м и  
Благим и Животворя́щим Его́ Ду́хом, ны́не и  
при́сно и во ве́ки веко́в. Ами́нь.

### **Моли́тва тре́тья**

---

О, Пресвята́я, Богоизбра́нная Де́во, Свята́го  
Уте́шителя Ду́ха Всенепоро́чная Невéсто,  
Пребоже́ственнаго же Отца́ Небе́снаго Дще́рь  
Превожде́ленная, посреде́ те́рния ми́ра сего́ Те́м  
обрéтенная, я́ко крин пресве́тлый добро́тою  
де́вства блиста́ющийся, да Сы́ну Бо́жию Чистая  
Ма́терь Неискусобра́чная бу́деши! Что́ убо  
возда́дим Тебе́ в пресве́тлый де́нь се́й  
Благове́щения, вонъже Арха́нгела Гаври́ла  
красото́ю безме́рнаго де́вства Своего́ удиви́ла  
еси́ и от того́ неизрече́нное обра́дование  
восприя́ла еси́? Что́ принесéм Тебе́ за вся́  
утеше́ния Твоя́, ими́же возвесели́ла еси́ в де́нь  
се́й ве́сь ми́р ви́димый и неви́димый, наипа́че  
же па́дший дре́вле ро́д челове́чь? Дне́сь спасéния  
нашего́ нача́ло и е́же от ве́ка та́инства явлéние:

ны́не у́бо Сло́во Бо́жие тѣхо снѣде с небѣс, яко ка́пля ка́плющая на зѣмлю, и вселѣся в Твою́ Богоблагодѣтнующу Дѣвственную́ утробу́ и бы́сть Плѣть спасѣния на́шего ра́ди. Сего́ ра́ди днѣсь А́нгели ликуют на небесѣх и вся тва́рь веселѣтся и ра́дуется, прѣзднующе нача́ло свобожде́ния своего́ от рабо́ты ислѣ́ния в свобѣду сла́вы ча́д бо́жиих. Ны́не ра́дуется же́нское естество́, Е́вы ра́ди па́дшее, та́ бо повинув́шися зми́ю печаль роди́ жена́м и неудержанно́ введе́ смѣ́рть. Ты́ же, Де́во, разреши́ла еси́ от го́рькия рабо́ты ве́сь ро́д челове́чь и свобѣдою́ Христо́вою естество́ же́нское почтила́ еси́, зане́ дѣвством чѣ́стым па́ки и́стинную жи́знь ввела́ еси́, и сего́ ра́ди же́ны, дѣвство держа́ще, врага́ я́ве побежда́ти начина́ют. Ны́не Ада́м лику́ет, ви́дев, яко в пресвѣ́тлый де́нь се́й исполнѣся на Тебе́ пе́рвое ра́йское благове́стие, яко се́мя Же́ны сотре́т главу́ зми́я. С нимже́ ликовству́ет ны́не ве́сь ро́д челове́чь, поне́же Тобо́ю, Пречѣ́стая, упраздни́ся днѣсь дрѣ́внее отвращѣ́ние Бо́жие к челове́ком, Бо́га бо па́ки привела́ еси́ к на́м. Сего́ ра́ди зрѣ́м Тя ны́не, яко́же дрѣ́вле Иа́ков, яко́ Лѣ́ствицу Вы́сокую, Е́юже снѣде́ Бо́г на зѣмлю́ и яко́ Мо́ст пречу́ден, имже́ су́щих от земли́ па́ки возво́диши на не́бо. Что́ возда́дим Тебе́, Цари́це не́ба и

землі, за вся сія, імиже радість несказанную подала еси падшим и заблудшим людем Твоим? Вся наши жертвы и приношения ничтоже суть пред величеством благодеяний Твоих. Единое точно угодно Тебе: “сердце сокрушенно и смиренно”, егоже и Сын Твой и Господь наш “не унижит”. Сего ради молим Тя: исполни нас от превосходящая высоты смирения Своего елика вместити возможем, да принесем Ти во всесвятый день Благовещения Твоего Твоя от Твоих, во еже во всяцем деле блазе не мыслити высокая, но вину в смирении духа пребывати. Сею первейшею добродетелию украшени, в пресветлый день сего праздника Твоего в кротости и чистоте сердца со Архангелом Гавриилом возопиём тебе: Радуйся, Благодатная, Радуйся, Обрадованная, Радуйся, Преблагословенная, Господь с Тобою и Тобою с нами во веки веков. Аминь.

